

澚墅關志卷之十二

督理澚墅鈔關禮部祠祭清吏司主事陳常夏鑒正
蘇州府吳縣學纂修郡縣志廩膳生員孫珮纂輯

義塾

記曰家有塾黨有庠則知古之人無地不立學以教共民也又曰凡始方學者必釋奠于先聖先師則知古之人無地不崇先聖先師以教其民也澚一鎮耳創義塾社學儼若郡邑制澚于是乎有古人風

義塾在二都七畝基六畝三分一釐明嘉靖九年員外郎方鵬建中立至聖廟左右廡各三楹鑿泮池構明善堂啓聖祠

澚墅蘭志

卷十二

一

教讀廳禮樓聖功坊朔望必拜謁是年督學御史委長洲堂訓司之條約畧備十一年主事陳大咸改教讀廳爲諸賢祠四十四年員外郎王以纁重修萬曆七年廢爲演禮亭十一年員外郎張世科修復四十二年主事李佺臺拓塾宮闢雲路東坊曰賢關西坊曰聖域

皇清順治八年主事李起元重葺

華鑰澚墅鎮義塾記

澚墅鎮歲設戶部官一員總蒞關課其沿舊矣員外郎懷寧方公其大於其事事之明年展土創塾以教鄉人又創范文正公書院歲一祀之以爲鄉人勸時民樂其役士歸

具教卓聞日起會督學晉江丘公至又委學訓司之條約
于是畧備方公當代司訓黎國用暨諸生唐勳蔣芝秀謀
所以紀之者問言于余余每嘆近文正鄉弗克揚瀾遏流
以行其休而庸可以不文辭哉切惟先王立教因地制宜
以維民性諸所作息嚮往必試諸禮義廉耻之歸其間黨
有塾又教所自始也今三吳郡縣莫不有學國家造士其
詳矣乃若古之小學以前豐植根本者亦存乎其人焉耳
澚墅吳之饒會日惟長短奇贏以相滋殖不知吾性爲何
物所以遷之者方膠固牢結于其中其視先王之教謂何
斯塾揭祀文正自吾民一念自趨之天而觸之殆必有悠

然同得者矣夫文正之道復性敘倫而已吾性炳如日星
豈假外求哉若徒雜服腴聞以自足而曰學云非文正之
徒也學譬則射也性若的也古人其穀率也君子能引人
以穀率而不能必其中之巧學之者夫亦必諸其心副之
以力持之以安亦庶乎其可也嗚呼監察化人之要方公
闢塾之意也然余又聞公于關政不塞不疏慎固以先廉
潔其賢于人者遠矣而今日風厲之端於是乎在不然急
役煩民非細也而各以地以田以圃以力趨之若豫焉者
其孰能之公其往矣敢以是風諸人人

國家治放周禮惟繕服取諸關市之入故津會有權澣墅其一也司關掌國貨之節凡貨賄出入與共治禁皆屬焉茲民署之僚以命往典厥采其司與夫權者致財司權者所以致乎財者也近膩易潤處阿堵惡有餘色征商稅舟又非政之善者嗚呼蓋亦難矣夫君子能有所期也故能有所立然後有所成圖難於其易允臧哉可以觀政矣關於澣百有餘年部使者主之肇自景泰至弘治著爲定制以歲會爲瓜期交承事事凡若干人皆法施于民以益于時在祭法宜祠也粵稽故籍文正公降靈彭華爲澣人舊祀寢廢方其大甫始復於廣福夫公振古德業鼎彝竹帛

有勒鮮克儷矣宜其血食是邦以存典型士遊茲上者率寤寐嚮往以爲依歸曠世相感之妙有不容于已者又前後部使之相踵均百僚師師之臣工雖有剛柔靜躁之殊要皆惟義之安竝潔聯光占名世籍斯舉祀諸臣而敘文正公典禮于諸臣之上得非闡百世下自附之私而公之推賢與能之心亦可見矣夫彰美于前傳盛于後心神領會共揆則一風教樹于一方吾道賴以不墜夫豈小補也哉嘗聞鄉先生没而祭于社賢士大夫有功德者所在置祠茲義塾傍有廳事爰新之以示文正公升分司題名羣公以附具後俾春秋報亭一堂先朝露者戶祝之見位鼎

司則扁爵里姓氏而揭之堂蓋取生祠之意竣後之同志者采而登之因書其額曰諸賢祠

義塾田

萬曆十一年員外郎張世科置田三十畝十四年二都耆民朱基輸田二十畝十五年鎮民徐滔輸田八畝

社學在八都九畝明萬曆十一年員外郎張世科建中設聖像匾曰養正左右廂房後屋三楹甬道外建儀門大門

金應徵新建養正塾記

古循良之吏莫不以教民爲重務若文翁之治蜀郡而閒講堂延壽之治潁川而好教化誠知務哉此易示養蒙之

澣墅關志

卷十二

四

貞書垂教胄之法也吳郡古稱右文地逮入國朝文學彬彬甲海內矣澣墅去郡城僅二十里許樞關攸在而民逐什一之利爭刀錐自潤其子弟亦相沿習求其通詩禮敦孝悌者殆寥寥焉豈習俗之移人一至是哉大司徒張公產自鄒魯洙泗間稔聞孔氏聲教奉節蒞止喟然嘆曰十室之邑必有忠信關居三吳之衝鄰多士之域生齒稠密不啻十室寧無忠信生其間哉今若此非獨其子弟罪抑父兄莫之教卽教而苦無師資其風靡然卒莫之振有以也哉於是捐俸構居彩雲里羣子弟其中擇經明行修爲衆所推曰吳金者聘主佔頌復置傍田二十畝有奇歲食

其入俾無計脩脯稱爲社學云是舉也啓門崇堂中設臬
比旣集圖史陳以棐几屏榻生徒長幼進退以時坐起有
禮有不率教威以夏楚彬彬有鄒魯風焉乃若地選幽偏
避市喧也師任老成黜浮薄也榜以養正崇聖功也給以
禁牒示法守也噫司徒之用意亦勤矣闡明文學追踪卜
商嘉惠子弟比迹子產豈止挽末俗而登隆盛也哉然則
師若子弟必實心奉行之達則爲國家俊髦窮亦不失爲
鄉邦良士庶幾無負斯意焉爾

社學田

萬曆十一年員外郎張世科置八都二十畝菜字號田二十

畝